

大方便佛報恩經

第一

百八十九
器一

48652



元祿九年丙子二月日重修

皇國聖蹟 帝階級昌

佛日增輝 懋輪常轉

山城州天安寺法金剛院置



大方便佛報恩經卷第一

失譯人名出後漢錄

序品第一

如是我聞一時佛住王舍城耆闍崛山中與
大比丘眾二萬八千人俱皆所作已辦梵行
已立不受後有如摩訶那伽心得自在其名

曰摩訶迦葉須菩提憍陳如離越多訶多富

樓那弥多羅尼子畢陵伽婆蹉舍利弗摩訶

迦旃延阿難羅睺羅等眾所知識菩薩摩訶

薩三萬八千人俱此諸菩薩久植德本於無

量百千萬億諸佛所常修梵行成滿大願悉

能通達百千禪定陀羅尼門不捨大悲隨諸

衆生而能饒益紹隆三寶使不斷絕能建法
幢爲諸衆生作不請友到大智岸名稱普聞
其名曰觀世音菩薩得大勢菩薩常精進菩
薩妙德菩薩妙音菩薩電光菩薩普平菩薩
德首菩薩須彌王菩薩香象菩薩大香象菩
薩持勢菩薩越三界菩薩常悲菩薩寶掌菩
薩至光英菩薩炎熾妙菩薩寶月菩薩大力
菩薩無量慧菩薩跋陀和菩薩師子吼菩薩
師子作菩薩師子奮迅菩薩滿願菩薩寶積
菩薩彌勒菩薩文殊師利法王子等百千眷
屬俱復有無量百千欲界諸天子等各與眷
屬俱賈諸天上微妙香華作天伎樂住虛空

中諸天龍夜叉。輒闍婆阿修羅迦樓羅緊那羅摩睺羅伽人非人等。各與若干百千眷屬。俱各禮佛足。退坐一面。

尔時如來大衆圍遶。供養恭敬。尊重讚歎。尔時阿難承佛威神。於晨朝時入王舍城。次第乞食。尔時城中有一婆羅門子。孝養父母。其家衰喪。家計蕩盡。擔負老母。亦次第行乞。若得好食香美果菰。仰奉於母。若得惡食萎菜乾果。而自食之。阿難見之。心生歡喜。偈讚此人。善哉善哉。善男子。供養父母。哥特難及。有一梵志。是六師徒黨。其人聰辯。悉能通達。四圍陀典。曆數筭計。占相吉凶。陰陽爻變。豫知。

人心亦是大衆。唱導之師多人。瞻奉執著。邪論爲利。養故殘滅正法。心懷嫉妬。毀佛法衆。語阿難言。汝師瞿曇。諸釋種子。自言善好。有大功德。唯有空名。而無實行。汝師瞿曇。實是惡人。適生一七。其母命終。豈非惡人也。踰出宮城。父王苦惱。生狂癡心。迷悶躄地。以水灑面。七日方能醒悟。云何今日生失。我所天舉。聲大哭悲淚。而言國是汝有。吾唯有汝一子。云何捨我入於深山。汝師瞿曇。不知恩分。而不顧錄。遂前而去。是故當知。是不孝人。父王爲立宮殿。納娶瞿夷。而不行婦人之禮。令其愁毒。是故當知。無恩分人。阿難聞是語。已心

生慙愧乞食得已還詣佛所頭面禮足却住
一面合掌白佛言世尊佛法之中頗有孝養
父母不耶佛語阿難誰教汝令發是問諸天
神耶人耶非人耶汝為自以智力問於如來
耶阿難言亦無諸天龍鬼神人及非人來見
教也向者乞食道逢六師徒黨薩遮尼軋見
毀罵辱阿難即以上事向如來說今時世尊
熙怡微笑從其面門放五色光過於東方無
量百千萬億佛土彼有世界名曰上勝其佛
号曰喜王如來應供正遍知明行足善逝世
間解無上士調御丈夫天人師佛世尊國名
嚴盛其土平正瑠璃為地黃金為繩以界道

側七寶行樹其樹皆高盡一箭道華果枝葉
次第莊嚴微風吹動出微妙音衆生樂聞無
有馱足處處皆有流泉浴池其池清淨金沙
布地八功德水盈滿其中其池四邊有妙香
華波頭摩華分陀利華跋師迦華青黃赤白
大如車輪而覆其上其池水中異類諸鳥相
和而鳴出微妙音甚可愛樂有七寶船亦在
其中而諸衆生自在遊戲其樹林間敷師子
座高一由旬亦以七寶而校飾之復以天衣
重敷其上燒天寶香諸天寶華遍布其地喜
王如來而坐其上結加趺坐彼國菩薩無量
億千前後圍遶却坐一百合掌恭敬向於如

來異口同音俱發聲言唯願世尊哀慈憐愍
以何因緣有此光明青黃赤白其色暉艷難
可得喻從西方來照此大衆其有遇斯光者
心意泰然唯願世尊斷我疑網佛言諸善男
子諦聽諦聽善思念之吾當爲汝分別解說
西方去此無量百千諸佛世界有世界名娑
婆其中有佛号曰釋迦牟尼如來應供正遍
知明行足善逝世間解無上士調御丈夫天
人師佛世尊大衆圍遶今欲爲諸大衆說大
方便大報恩經爲欲饒益一切諸衆生故爲
欲拔出一切衆生邪疑毒箭故爲欲令初發
意菩薩堅固菩提不退轉故爲令一切聲聞

辟支佛究竟一乘道故爲諸大菩薩速成善
提報佛恩故欲令一切衆生念重恩故欲令
衆生越於苦海故欲令衆生孝養父母故以
是因緣故放斯光明爾時大衆中有十千菩
薩一一菩薩皆是大衆唱導之師即從座起
偏袒右肩右膝著地叉手合掌而白佛言唯
願世尊加威神力令我等輩得往娑婆世界
親近供養釋迦牟尼如來并欲聽大方便佛
報恩微妙經典爾時彼佛告諸菩薩言善男
子汝往娑婆世界若見彼佛應生供養恭敬
難遭之想何以故釋迦如來於無量百千萬
億阿僧祇劫難行苦行發大悲願若我得成

佛時當於穢惡國土山陵阜阜瓦礫荆棘其中衆生具足煩惱五逆十惡於中成佛而利益之使斷一切苦獲一切樂成就法身永盡無餘其佛本願如是汝等今往當如佛往往如佛住諸菩薩衆俱發聲言如世尊勅一一菩薩各將無量百千萬億諸菩薩衆以爲眷屬前後圍遶往詣娑婆世界所經國土六種震動大光普照虛空神天雨曼陀羅華摩訶曼陀羅華放大光明神足感動恒沙世界復有無量百千萬種諸天伎樂於虛空中不鼓自鳴是諸菩薩等往詣耆闍崛山到如來所頭面禮足遶佛三匝却住一面

尔時如來復放一光直照南方過八十万億
諸佛國土有世界名曰光德彼中有佛号曰思
惟相如來應供正遍知明行足善逝世間解
無上士調御丈夫天人師佛世尊國名善淨
其土平正琉璃為地黃金為繩以界道側七
寶行樹其樹皆高盡一箭道華果枝葉次第
莊嚴微風吹動出微妙音衆生樂聞無有厭
足處處皆有流泉浴池其池清淨金沙布地
八功德水盈滿其中其池四邊有妙香華波
頭摩華分陀利華跋師迦華青黃赤白大如
車輪而覆其上其池水中異類諸鳥相和悲
鳴出微妙音甚可愛樂有七寶船亦在其中

而諸衆生自在遊戲其樹林間敷師子座高
一由旬亦以七寶而校飾之復以天衣重敷
其上燒天寶香諸天寶華遍布其地思惟相
如來而坐其上結加趺坐彼國菩薩無量億
千前後圍遶却任一面合掌向於如來異口
同音俱發聲言唯願世尊哀慈憐愍以何因
緣有此光明青黃赤白其色暉艷難可得喻
從北方來照此大衆其有遇斯光者心意泰
然唯願世尊斷我疑網佛言諸善男子諦聽
諦聽善思念之吾當爲汝分別解說北方去
此無量百千諸佛世界有世界号名娑婆其
中有佛号曰釋迦牟尼如來應供正遍知明

行足善逝世間解無上士調御丈夫天人師
佛世尊大衆圍遶今欲爲諸大衆說大方便
大報恩經爲欲饒益一切諸衆生故爲欲拔
出一切衆生邪疑毒箭故爲欲令初發意菩
薩堅固菩提不退轉故爲令一切聲聞辟支佛
究竟一乘道故爲諸大菩薩速成菩提報佛
恩故欲令一切衆生念重恩故欲令衆生越
於苦海故欲令衆生孝養父母故以是因緣
故放斯光明爾時大衆中有十千菩薩一一
菩薩皆是大衆唱導之師即從座起偏袒右
肩右膝著地叉手合掌而白佛言唯願世尊
加威神力令我等輩得往娑婆世界親近供

養釋迦牟尼如來并欲聽太方便佛報恩微
妙經典。今時彼佛告諸菩薩言：善男子，汝往
娑婆世界，若見彼佛，應生供養恭敬，難遭之
想，何以故？釋迦如來於無量百千萬億阿僧
祇劫，難行苦行，發大悲願，若我得成佛時，當
於穢惡國土、山陵埤阜、瓦礫荆棘，其中衆生
具足煩惱、五逆十惡，於中成佛而利益之，使
斷一切苦，獲一切樂，成就法身，永盡無餘。其
佛本願如是。汝等今往，當如佛往，任如佛任。
諸菩薩衆俱發聲言：如世尊勅，一一菩薩各
將無量百千萬億諸菩薩衆，以爲眷屬，前後
圍遶，往詣娑婆世界，所經國土皆六種震動。

大光普照虛空。神天雨曼陀羅華。摩訶曼陀羅華。放大光明。神足感動。恒沙世界。復有無量百千萬種。諸天伎樂。於虛空中。不鼓自鳴。是諸菩薩等。往詣耆闍崛山。到如來所。頭面禮足。遶佛三匝。却住一面。

尔時如來復放大光。直照西方。過無量百千萬億諸佛國土。有世界名淨住。其佛号日月燈光如來。應供正遍知。明行足。善逝。世間解。無上士。調御丈夫。天人師。佛世尊。國名妙喜。其土平正。瑠璃為地。黃金為繩。以界道側。七寶行樹。其樹皆高。盡一箭道。華果枝葉。次第莊嚴。微風吹動。出微妙音。衆生樂聞。無有厭。

足處處皆有流泉浴池其池清淨金沙布地
八功德水盈滿其中其池四邊有妙香華波
頭摩華分陀利華跋師迦華青黃赤白大如
車輪而覆其上其池水中有異類諸鳥相和
悲鳴出微妙音甚可愛樂有七寶船亦在其
中而諸衆生自在遊戲其樹林間敷師子座
高一由旬亦以七寶而校飾之復以天衣重
敷其上燒天寶香諸天寶華遍布其地日月
燈光如來而坐其上結加趺坐彼國菩薩無
量億千前後圍遶却住一面合掌恭敬向於
如來異口同音俱發聲言唯願世尊哀慈憐
愍以何因緣有此光明青黃赤白其色暉艷

難可得喻從東方來照此大衆其有遇斯光
者心意泰然唯願世尊斷我疑網佛言諸善
男子諦聽諦聽善思念之吾當爲汝分別解
說東方去此無量百千諸佛世界有世界号
名娑婆其中有佛号曰釋迦牟尼如來應供
正遍知明行足善逝世間解無上士調御丈
夫天人師佛世尊大衆圍遶今欲爲諸大衆
說大方便大報恩經爲欲饒益一切諸衆生
故爲欲拔出一切衆生邪疑毒箭故爲欲令
初發意菩薩堅固菩提不退轉故爲令一切
聲聞辟支佛究竟一乘道故爲諸大菩薩速
成菩提報佛恩故欲令一切衆生念重恩故

欲令衆生越於苦海故欲令衆生孝養父母
故以是因緣故放斯光明今時大衆中有十
千菩薩一一菩薩皆是大衆唱導之師即從
座起偏袒右肩右膝著地叉手合掌而白佛
言唯願世尊加威神力令我等輩得往娑婆
世界親近供養釋迦牟尼如來并欲聽大方
便佛報恩微妙經典今時彼佛告諸菩薩言
善男子汝往娑婆世界若見彼佛應生供養
恭敬難遭之想何以故釋迦如來於無量百
千萬億阿僧祇劫難行苦行發大悲願若我
得成佛時當於穢惡國土山陵埠阜瓦礫荆
棘其中衆生具足煩惱五逆十惡於中成佛

而利益之使斷一切苦獲一切樂成就法身
永盡無餘其佛本願如是汝等今往當如佛
往往如佛住諸菩薩衆俱發聲言如世尊勅
一一菩薩各將無量百千萬億諸菩薩衆以
爲眷屬前後圍遶往詣娑婆世界所經國土
皆六種震動大光普照虛空神天雨曼陀羅
華摩訶曼陀羅華放大光明神足感動恒沙
世界復有無量百千萬種諸天妓樂於虛空
中不鼓自鳴是諸菩薩等往詣耆闍崛山到
如來所頭面禮足遶佛三匝却住一面
今時釋迦如來五色光明照於北方過五百
萬億那由他諸佛國土有世界名自在稱王

其中有佛号曰紅蓮華光如來應供正遍知
明行足善逝世間解無上士調御丈夫天人
師佛世尊國名離垢其土清淨瑠璃為地黃
金為繩以界道側七寶行樹其樹皆高盡一
箭道華果枝葉次第莊嚴微風吹動出微妙
音衆生樂聞無有馱足處處皆有流泉浴池
其池清淨金沙布地八功德水盈滿其中其
池四邊有妙香華波頭摩華分陀利華跋師
迦華青黃赤白大如車輪而覆其上其池中
有異類諸鳥相和悲鳴出微妙音甚可愛樂
有七寶船亦在其中而諸衆生自在遊戲其
樹林間敷師子座高一由旬亦以七寶而按

飾之復以天衣重敷其上燒天寶香諸天寶
華遍布其地紅蓮華光如來而坐其上結加
趺坐彼國菩薩無量億千前後圍遶却住一
面合掌恭敬向於如來異口同音俱發聲音
唯願世尊哀慈憐愍以何因緣有此光明青
黃赤白其色暉艷難可得喻從南方來照此
大衆其有遇斯光者心意泰然唯願世尊斷
我疑網佛言善男子諦聽諦聽善思念之吾
當爲汝分別解說南方去此無量百千諸佛
世界有世界号名娑婆其中有佛号曰釋迦
牟尼如來應供正遍知明行足善逝世間解
無上士調御丈夫天人師佛世尊大衆圍遶

今欲爲諸大衆說大方便大報恩經爲欲能
益一切諸衆生故爲欲令初發意菩薩堅固
菩提不退轉故爲令一切聲聞辟支佛究竟
一乘道故爲諸大菩薩速成菩提報佛恩故
欲令一切衆生念重恩故欲令衆生越於苦
海故欲令衆生孝養父母故以是因緣故放
斯光明今時大衆中有十千菩薩一一菩薩
皆是大衆唱導之師即從座起偏袒右肩右
膝著地叉手合掌而白佛言唯願世尊加威
神力令我等輩得往娑婆世界親近供養釋
迦牟尼如來并欲聽大方便佛報恩微妙經
典今時彼佛告諸菩薩言善男子汝往娑婆

世界若見彼佛應生供養恭敬難遭之想何
以故釋迦如來於無量百千萬億阿僧祇劫
難行苦行發大悲願若我得成佛時當於穢
惡國土山陵埳阜瓦礫荆棘其中衆生具足
煩惱五逆十惡於中成佛而利益之使斷一
切苦獲一切樂成就法身永盡無餘其佛本
願如是汝等今往當如佛往住如佛住諸菩
薩衆俱發聲言如世尊勅一一菩薩各將無
量百千萬億諸菩薩衆以爲眷屬前後圍遶
往詣娑婆世界所經國土皆六種震動大光
普照虛空神天雨曼陀羅華摩訶曼陀羅華
放大光明神足感動恒沙世界復有無量百

千萬億諸天妓樂於虛空中不鼓自鳴是諸
菩薩等往詣耆闍崛山到如來所頭面禮足
遶佛三匝却住一面乃至四維上下十方諸
來大菩薩摩訶薩衆各與若干百千眷屬俱
至如來所供養恭敬尊重讚歎異口同音各
說百千偈頌讚歎於佛讚歎佛已却住一面
時娑婆世界即變清淨無諸山藪大小諸山
江河池湖溪澗溝谿其中衆生尋光見佛歡
喜合掌頭頂禮敬心生戀慕目不暫捨尔時
世尊即攝光明遶身七匝還從頂入尊者阿
難觀察衆心亦咸皆有疑欲顯發如來方便
密行故并欲爲未來一切衆生開其慧眼故

欲令一切衆生渡渴愛海得至彼岸永得安樂故欲令衆生念識父母師長重恩故即從座起整衣服偏袒右肩胡跪合掌而白佛言世尊阿難事佛已來未曾見佛笑笑必有意願佛示之願佛說之斷除如是大衆疑網

大方便佛報恩經孝養品第二

尔時大衆之中有七寶蓮華從地化生白銀爲莖黃金爲葉甄叔迦寶以爲其臺真珠羅網次第莊嚴尔時釋迦如來即從座起昇華臺上結加趺坐即現淨身於其身中現五趣身一一趣身有萬八千種形類一一形類現百千種身一一身中復有無量恒河沙等身

於四恒河沙等一一身中復現四天下大地
微塵等身於一微塵身中復現三千大千世界
微塵等身於一塵身中復現於十方一一方面
各百千億諸佛世界微塵等數身乃至虛空
法界不思議衆生等身尔時如來現如是等
身已告阿難言及十方諸來大菩薩摩訶薩
及一切大衆諸善男子等如來今者以正遍
知宣說真實之言法無言說如來以妙方便
能以無名相法作名相說如來本於生死中
時於如是等微塵數不思議形類一切衆生
中具足受身以受身故一切衆生亦曾爲如
來父母如來亦曾爲一切衆生而作父母爲

一切父母故常修難行苦行難捨能捨頭目
髓腦國城妻子象馬七寶輦車乘衣服飲
食卧具醫藥一切給與勤修精進戒施多聞
禪定智慧乃至具足一切萬行不休不息心
無疲倦爲孝養父母知恩報恩故今得速成
阿耨多羅三藐三菩提以是故一切衆生能
令如來滿足本願故是以當知一切衆生於
佛有重恩有重恩故如來不捨衆生以大悲
心故常修集有方便爲一切三界二十五有
諸衆生中不思己功修平等慈常修捨行方
便亦明鑒一切衆生空法空五陰空如是不
退不沒不沉空有修實相方便故不捨二乘

修遍學方便以修如是甚深微妙方便故得
明鑒法相佛法初終始末非一然衆生惛濁
猖狂有三渴愛所覆沒於苦海爲四倒之所
顛倒於有漏法中妄想所見無我見我無常
見常無樂見樂不淨見淨生老病死之所遷
滅念念無常五蓋十纏之所覆蔽輪迴三有
具受生死無有始終譬如循環是以如來教
迹隨宜三藏九部乃至十二部經分流道化
隨信深淺故說衆經典辯緣使封言者著自
以頓足令得涅槃是以如來慈悲本誓顯大
方便運召十方一切有緣有緣旣集於此大
衆中敷演散說此妙經典垂訓千載流布像

法使一切衆生常獲大安是故如來垂權運
化應時而生應時而滅或於異刹稱盧舍那
如來應供正遍知明行足善逝世間解無上
士調御丈夫天人師佛世尊或昇兜率陀天
爲諸天師或從兜率天下現於閻浮提現八
十年壽當知如來不可思議世界不可思議
業報不可思議衆生不可思議禪足不可思
議龍不可思議此是佛不可思議佛欲令一
切衆生知佛心者乃至下流鈍根衆生皆令
得知欲令一切衆生得見者即便得見欲令
不得見者假令對目而不能見正使聲聞緣
覺有天眼通亦不得見又佛放大光明下至

阿鼻地獄上至有頂所應度者皆令得見不
得度者對目不見有時如來或時許可或時
嘿然當知諸佛世尊不可思議不可測量難
可得知汝今云何能問如來如是甚深微妙
難行苦行汝作是問真是大悲愍傷衆生閉三
惡道通人天路阿難善聽吾當爲汝略說孝養
父母苦行因緣今時世尊告於阿難及諸大
菩薩摩訶薩一切大衆而作是言乃往過去
無量無邊阿僧祇劫今時有國号波羅捺彼
中有佛出世号毗婆尸如來應供正遍知明
行足善逝世間解無上士調御丈夫天人師
佛世尊其佛壽命十二小劫正法住世二十

小劫像法亦住二十小劫於像法中有王出世号曰羅闍王波羅捺國王有二萬夫人大臣有四千人有五百健象王主六十小國八百聚落王有三太子皆作邊小國王尔時波羅捺大王聰睿仁賢常以正法治國不枉人民唯王福德力故風雨時節五穀豐熟人民優壤尔時波羅捺大王有一所重大臣名曰羅睺羅睺大目心生惡逆起四種兵所謂象兵車兵馬兵步兵伐波羅捺國斷大王命已殺王竟復遣四兵往誼邊國殺第一太子次復往收第二太子其最小弟作邊小國王其小王者形體姝大端正殊妙仁性調善語常

含笑發言利益不傷人意常以正法治國不
邪枉人民國土豐樂人民熾盛多饒財寶家
計充盈國上人民歎美其王稱善無量虛空
諸天一切神祇亦皆敬愛尔時其王生一太
子字須闍提聰明慈仁好喜布施須闍提太
子者身黃金色七處平滿人相具足年始七
歲其父愛念心不暫捨尔時守宮殿神語大
王言大王知不羅睺大臣近生惡逆謀奪國
位殺父王竟尋起軍兵伺捕二兄已斷命根
軍馬不久當至大王今者何不逃命去也尔
時大王聞是語已心驚毛豎身體掉動不能
自持憂恚懊惱喑嗟煩悶心肝惱熱婉轉躄

地闊絕良久乃。蘇微聲報虛空中言。卿是何人。但聞其聲不見其形。向者所宣審實。尔不即報王言。我是守宮殿神。以王聰明福德。不在人民正法治國。我以是故。先相告語。大王今者宜時速出。苦惱衰禍。政尔不久。尔時大王即入宮中。而自思念。我今宜應歸投他國。復自思。惟向於隣國。而有兩道。一道行滿。足七日。乃至他國。一道經由十四日。即便盛。七日道。糧微服。尋出去。到城外。而便還入宮中。呼須闍提太子。抱著膝上。目不暫捨。粗復驚起。而復還坐。尔時夫人見其大王不安其所。似恐怖狀。即前問言。大王今者似恐怖狀。何

因緣故坐不安。所身坐塵土頭髮蓬亂視瞻
不均氣息不定。如似失國恩愛別離。怨家欲
至。如是非祥之相。願見告語。王言吾所有事
非汝所知。夫人尋白王言。我身與王二形一
體。如似鳥之兩翅。身之兩足。頭之二目。大王
今者云何而言不相開。豫王告夫人。汝不知
耶羅睺大臣近生惡逆。殺父王。竟伺捕三兄
亦斷命根。今者兵馬次來。收我。今欲逃命。即
便抱須闍提太子。即出進路。爾時夫人亦隨
後。從去時。王荒錯心意。迷亂。候入十四日。道
其道險難。無有水草。前行數日。糧餉已盡。本
意盛。一人分糧。行七日。道今者三人共食。候

入十四日道數日糧食已盡前路猶遠是時
大王及與夫人舉聲大哭恠哉恠哉苦哉苦
哉從生已來常未曾聞有如是苦如何今日
身自受之今日窮厄衰禍已至舉手拍頭塵
土自空舉身投地自悔責言我等宿世造何
惡行爲殺父母真人羅漢爲謗正法壞和合
僧爲畝獮漁捕輕秤小斗劫奪衆生爲用招
提僧物云何今日受此禍對政欲小停懼怨
家至若爲怨得必死不疑政欲前進飢渴所
逼命在呼喩尔時大王及與夫人思是苦已
失聲大哭王悲悶絕舉聲躡地良久醒悟復
自思惟不設方便三人併命不離此死我今

何不殺於夫人以活我身并續子命作是念
已尋即拔刀欲殺夫人其子頃闍提見王異
相右手拔刀欲殺其母前捉王手語父王言
欲作何等今時父王悲淚滿目微聲語子欲
殺汝母取其肉血以續汝命若不殺者亦當
自死我身今者死活何在今爲子命欲殺汝
母今時頃闍提即白父言王若殺母我亦不
食何處有子噉於母肉既不噉肉子俱當死
父王今者何不殺子濟父母命王聞子言即
便悶絕婉轉躡地微聲語子子如吾目何處
有人能自挑目而還食也吾寧喪命終不殺
子噉其肉也

尔時須闍提諫父母言父母今者若斷子命
血肉臭爛未得幾日唯願父母莫殺子身欲
求一願願莫見違若見違者非慈父母尔時
父王語太子言不逆汝意欲願何等便速說
之須闍提言父母今者為愍子故可日日持
刀就子身上割三斤肉分作三分二分奉上
父母一分還自食之以續身命尔時父母即
隨子言割三斤肉分作三分二分父母一分
自食以支身命得至前路二日未至身肉轉
盡身體支節骨體相連餘命未斷尋便倒地
尔時父母尋前抱持舉聲大哭復發聲言我
等無狀橫噉汝肉使汝苦痛前路猶遠未達

所在而汝肉已盡今者併命聚屍一處尔時
須闍提微聲諫言已噉子肉進路至此計前
里程餘有一日子身今者不能移動捨命於
此父母今者莫如凡人併命一處仰白一言
爲憐愍故莫見拒逆可於身諸節間淨割餘
肉用濟父母可達所在尔時父母即隨其言
於身支節更取少肉分作三分一分與兒二
分自食食已父母別去須闍提起立任視父
母父母尔時舉聲大哭隨路而去父母去遠
不見須闍提太子戀慕父母目不暫捨良久
躡地身體新血肉香於十方面有諸蚊蚋聞
血肉香來封身上遍體啖食楚毒苦痛不可

復言尔時太子餘命未斷發聲立誓願宿世
殃惡從是除盡從今已往更不敢作今我此
身以供養父母濟其所重願我父母常得十
一餘福卧安覺安不見惡夢天護人愛縣官
盜賊陰謀消滅觸事吉祥餘身肉血施此諸
蚊蚋等皆使飽滿令我來世得成作佛得成
佛時願以法食除汝飢渴生死重病發是願
時天地六種震動日無精光驚諸禽獸四散
馳走大海波動須弥山王踊没低昂乃至初
利諸天亦皆大動時釋提桓因將欲界諸天
下閻浮提怯怖須闍提太子化作師子虎狼
之屬張目馘眦咆地大吼波涌騰躑來欲搏

嚙尔時須闍提見諸禽獸作大威勢微聲語
言汝欲噉我隨意取食何爲見恐怖耶尔時天
王釋言我非師子虎狼也是天帝釋故來試
卿尔時太子見天王釋歡喜無量尔時天王
釋問太子言汝是難捨能捨身體骨肉供養
父母如是功德爲願生天作魔王梵王天王
人王轉輪聖王須闍提報天王釋言我亦不
願生天作魔王梵王天王人王轉輪聖王欲求
無上正真之道度脫一切衆生天王釋言汝
大愚也阿耨多羅三藐三菩提久受勤苦然
後乃成汝今云何能受是苦也須闍提報天王
釋言假使熱鐵輪在我頂上旋終不以此苦

退於無上道天王釋言汝唯空言誰當信汝
須闍提即立誓願若我欺誑天王釋者令我
身瘡始終莫合若不尔者令我平復如故血
當反白爲乳即時身體平復如故血即反白
爲乳身體形容端正倍常起爲天王釋頭面
禮足尔時天王釋即嘆言善哉善哉吾不及
汝汝精進勇猛會得阿耨多羅三藐三菩提
不久若得阿耨多羅三藐三菩提時願先度
我時天王釋於虛空中即沒不現尔時王及
夫人得到鄰國時彼國王遠出奉迎供給所
須稱意與之尔時大王向彼國王說上事因
緣如吾子身肉孝養父母其事如是時彼鄰

國王聞是語已感須闍提太子難捨能捨身體肉血供養父母孝養如是感其慈孝故即合四兵還與彼王伐羅睺。今時大王即將四兵順路還歸與須闍提太子別處。即自念言吾子亦當死矣。今當收取身骨還歸本國。舉聲悲哭隨路求覓。遙見其子身體平復。端正倍常。即前抱持。悲喜交集。語太子言。汝今活也。今時須闍提具以上事向父母說。父母歡喜共載大象還歸本國。以須闍提福德力故。伐得本國。即立須闍提太子爲王。佛告阿難。今時父王者。今現我父悅頭檀。是今時母者。今現我母摩耶夫人。是今時須闍提太子。

者今則我身釋迦如來是。尔時天王釋者阿若憍陳如是說。此孝養父母品時。眾中有二十億菩薩。皆得樂說辯才利益。一切復有十二萬菩薩。皆得無生法忍。復有十方諸來微塵等數。皆得陀羅尼門。復有恒河沙等微塵數。諸聲聞緣覺捨離二乘。究竟一乘。復有微塵數。優婆塞。優婆夷。或得初果。乃至二果。復有百千人發阿耨多羅三藐三菩提心。復有諸天龍鬼神。乾闥婆。阿脩羅。迦樓羅。緊那羅。摩睺羅伽人。非人等。或發菩提心。乃至聲聞辟支佛心。佛告阿難。菩薩如是爲一切眾生。故難行。苦行。孝養父母。身體血肉供給父母。

其事如是一切大衆聞佛說法各得勝利歡喜作禮右遶而去

大方便佛報恩經卷第一

器

日一 蹉 反七 何 奮 迅 上 方 問 反 反 果 菰 下 郎 藤 實 反 樹 實
菰 去 在 樹 之 日 屬 在 私 閏 地 為 反 也 爰 戶 交 反 日 菰 實
一 在 瓜 之 屬 也 在 地 蕪 烏 為 反 也 爰 戶 交 反 日 菰 實

跡 反 一 背 也 下 虛 臄 踣 上 毗 忍 反 反 脛 骨 也 臄 一 敢
反 一 府 音 謂 助 也 下 虛 臄 踣 上 毗 忍 反 反 脛 骨 也 臄 一 敢
反 一 府 音 謂 助 也 下 虛 臄 踣 上 毗 忍 反 反 脛 骨 也 臄 一 敢

沙 一 堪 之 地 植 株 抗 上 知 朱 反 下 吾 骨 也 廉 也 沙 鹵 曾 音 取
不堪 之 地 植 株 抗 上 知 朱 反 下 吾 骨 也 廉 也 沙 鹵 曾 音 取
不堪 之 地 植 株 抗 上 知 朱 反 下 吾 骨 也 廉 也 沙 鹵 曾 音 取

力 朱 反 種 也 毛 襁 也 穉 穉 亦 是 毛 袴 下 音 登 一 脯 下 音 餅 字 甫 音 箭
襁 也 穉 穉 亦 是 毛 袴 下 音 登 一 脯 下 音 餅 字 甫 音 箭
襁 也 穉 穉 亦 是 毛 袴 下 音 登 一 脯 下 音 餅 字 甫 音 箭

逕 古 定 也 反 訊 訊 也 音 信 二 同 剋 卜 刻 反 燈 炷 注 音 損
古 定 也 反 訊 訊 也 音 信 二 同 剋 卜 刻 反 燈 炷 注 音 損
古 定 也 反 訊 訊 也 音 信 二 同 剋 卜 刻 反 燈 炷 注 音 損

饒時上 戶交反 食也 下下 蚕具 今作 螺反 猥鳥 每反 汲音

逕直古 也定反 訊音 訊音 二信 問同 剗鳥 官反 燈音 炷音 損音

棄下上 音綵 鬼二 眉反 郁上 噓悲 深於 六反 筋下 脉上 於正 作結 反奧

也氣 塞孤 擗正 上之 巧瓜 反獲 反深 筋下 脉上 於正 作結 反奧

能反 咽下 於見 幼利 下直 單獨 下居 列反 歛音 疇音

減反 義云 正作 喊上 呼也 單獨 下居 列反 歛音 疇音

目也 踊張 眴呼 戒反 聲也 躅音 悵音 徒合 反下 非

瞭上 然音 明也 炳動 目反 蹊上 徑音 奚下 金音 鍋音 父非 挽

聾上 繫上 脣古 咸反 開烟 炎下 音蟠 結音

盤力 厲下 猛音 例方 便二 卷器

